

Basef Ifimba Jon Nagi' Nanda'ef Fagafe'ma Bifi

Basef bandafi fagafe'ma bifi Jon nanda'afi

ves 1-3 Jon nasapa' dagala ananini naloma basef bu'wafi Godi ma
nogatopalopas

ves 4-11 Waf endilisifi faloma waf ukup pagapagailasafi

ves 12-13 Basef akutaifi

¹Ae' agiliwai igimafi esis Kristeni anda' basef fafe'mago ina', nemata'w God nandandepenai naloma awasi ine'isi. Ae' okom maimaila ipa' endilisifi a'owa'. Ina ae' atowe okom maimaila, owa'atin. Amam nematawa hiasi sogogawa basef endilisifii, esis wapani ukup paipailipa.^a ²Dei' main, basef endilisifi fagape ukup ape'ipii ifimba atiasi fepe sisihifa apa' lililafi dondol.

³Ahamapa God noloma Jisas Krai Nogamana ananinai atiasi muti uwahipipa motopalopapa dowaf mowa' banagapa monda' opalef ape'ilifi awanelef. Amom biam atiasi monda'apa na'amba moloma waf endilisifi feloma waf ukup pagapagaila sahin owanasafi.^b

Apa' a' mundaila waf ukup pigapigaila sahin owanafi

⁴Ae' andagala a'owa' ma egegawa anis awasi ine'isi sagaila basef bu'wafi endilisifi si'i Ahamapa naga'ipapa dindinipa mogailif.^c ⁵Ea' dei' a'ipa ina' nemata'w na'amba. Apa' hiapai a' ukup pindaima atin pendaloma sahin owan. Ae' ina a'ipina anif basef banagafi dambaifi, owa'atin. A'ipina basef ifimba atif fowa' gani apa' mogawef magahapilafi.^d ⁶Basef kofagefa ma apa' ukup pigapigaila sahin owani ifimba. Apa' mope mundaila basef ifimba Godi banagafi atapif. Basef ifimba si'i fowa' dambadamba pagame'ef. Ipa' a' ukup pindaima atin peloma sahin owan.^e

a 1 1 Pi 5:1; 3 Jo 1 b 3 3 Jo 3 c 4 1 Jo 2:7, 3:11 d 5 1 Jo 5:3 e 6 1 Jo 4:1-3

Basef Kraisi ipa' pindailif banagepa

⁷Anis epes sagambaso'ami safe' ganigani itap hiagoma. Esis ina sawalipasa Jisas Kraisi sa'i nogamana Godi a' nataga aman nogofa' alop epeni, owa'atin. Esis sagambaso'ami, isimba bousi Kraisi. ⁸Ipa' a' solawaipa andeande'ma pegefa' hiahaom fasimi amamba panda' maol pa'i pegefa'ami. Na'amba ipa' anaf ina pefa' amamba, owa'atin. Andeande'ma pegefa'am si'im.^f ⁹Epen ami nakwaha basef Kraisi ma nimbisila' nefe' nila anif basef daif, God ina nape opaf epen inimbai, owa'atin. Epen ami banagen nihapila basef Kraisi sisihif atapifi, dei' Ahamana naloma Nogamana wapani mape sisihim moloma epen inimba nomon okom.^g ¹⁰Epen mamahina nifi'mai ipa' ma ina nefa'ai basef ifimba Kraisi, ipa' ina petopalopa epen inimba pi'ipan nefe' nelomepa niwis ifagw ipe'igwi, owa'i. Ina pinifelin pi'ipan penda'man "Nemaf bu'wafi" anin, hapaini. ¹¹Epen mamahina niganifela epen inimbai atiasi a' neloman okom atotom netopalopan nenda' waf awafi anin nanda'afi.^h

Basef ifimba du'wanif akutaifi

¹²Ae' a'i i'ipipa anif basef hiafi wapani, apa' ae' ina enda'ef fil pepa, andaiwa'. A'i efo'o itilipa i'i elomepa ma apa' mondatimama mondagala andeande'.

¹³God a' nandandepa owamena ine'ikwi nosaho'akw ea' anani'wi ato'w. Ea' awasi owaminai sanda'menago nemaf bu'wafi ina'. Ea' ma'uf.